



TOSHKENT DAVLAT YURIDIK UNIVERSITETI REKTORINING B U Y R U G ' I

2021 yil «18» mart

08-60-son

Тошкент давлат юридик университетининг ахборот тизимларидан фойдаланиш самарадорлигини ошириш чора-тадбирлари тўғрисида

Тошкент давлат юридик университетида ахборот тизимларнинг мажмуасини яратиш, университетнинг ахборот тизимларини халқаро стандартлар асосида модернизация қилиш ҳамда ахборот хавфсизлигини таъминлаш мақсадида

Б У Ю Р А М А Н:

1. Ўзбекистон Республикаси Президентининг 2020 йил 29 апрелдаги ПФ–5987-сон “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги Фармонида мувофиқ университетнинг расмий веб-сайтлари халқаро стандартлар асосида модернизация қилиш Тошкент давлат юридик университетининг (кейинги ўринларда университет деб юритилади) янги имиджини шакллантиришнинг асосий мезонларидан бири эканлиги, шунингдек Ўзбекистон Республикаси Президентининг 2019 йил 11 июлдаги ПҚ–4391-сон “Олий ва ўрта махсус таълим тизимида бошқарувнинг янги тамойилларини жорий этиш чора-тадбирлари тўғрисида”ги қарорига мувофиқ олий таълим муассасалари расмий веб-сайтларини «**Webometrics**» халқаро университетлар веб-сайтлари рейтинги талаблари асосида қайта ишлаб чиқиш ва маълумотлар билан бойитиш лозимлиги қайд этилсин.

2. Барча таркибий бўлинмалар **бир ҳафталик муддатда** университет фаолияти билан боғлиқ ҳамда амалда бўлган университет ахборот тизимлари тўғрисидаги маълумот (паспорт)ларни мазкур буйруқ иловасига мувофиқ шаклда “Электрон университет” марказига топширилишини таъминласин.

3. Университетнинг ахборот тизимларини ўзаро интеграция қилиш, ягона тизим жорий этиш ҳамда ахборот хавфсизлигини таъминлаш мақсадида қуйидагиларни ўз ичига олувчи **университетнинг ахборот тизимлари билан ишлашнинг янгича тартиби** жорий этилсин:

университет фаолияти билан боғлиқ барча электрон ахборот тизимлари **tsul.uz домени номидан фойдаланган ҳолда** (учинчи даража домен номи (субдомен) сифатида) яратилади;

университет фаолияти билан боғлиқ электрон ахборот тизимларини яратишда **“Электрон университет” маркази билан олдиндан келишилган** ҳамда электрон ахборот тизимларини яратиш ташаббускори бўлган таркибий бўлинмалар томонидан **тегишли масъул ходимни белгилаган** тартибда амалга оширилади;

тегишли таркибий бўлинмалар университет ахборот тизимларидаги маълумотлар базасининг **университет ҳудудида жойлашган техник восита (сервер)ларда** “Электрон университет” маркази томонидан белгиланган тартибда йиғилиши, тизимлаштирилиши ва сақланишини таъминлайди.

4. Таркибий бўлинма раҳбарлари барча ходимлар университет Интернет алоқа тизимидан фақат хизмат фаолияти учун фойдаланиши кераклиги тўғрисида огоҳлантирилсин.

5. Факультет деканлари барча талабаларни университет ва Талабалар турар жойида интернет жаҳон ахборот тармоғидан фақат ўқув мақсадларда фойдаланилиши мумкинлиги, ўқув-илмий тусда бўлмаган интернет жаҳон ахборот тармоғидаги саҳифаларга кириш рухсат этилмаслиги тўғрисида огоҳлантирсин.

6. Мазкур буйруқда назарда тутилган қоидаларга риоя этишга барча таркибий бўлинма раҳбарлари шахсан масъул эканликлари қайд этилсин.

7. “Электрон университет” маркази (А.Каримов) тегишли таркибий бўлинмалар томонидан ахборот тизимларини яратиш ва улардан фойдаланиш мазкур буйруқ талабларига мувофиқ ташкил этилиши, университет ходимлари ҳамда талабалари томонидан университет интернет алоқа тизимидан ўрнатилган талабларга мувофиқ фойдаланилиши устидан мониторинг олиб борилишини ва мониторинг натижаларини университет раҳбариятига тизимли равишда тақдим этиб борилишини таъминласин.

8. Девонхона (Х.Абдуллаев) мазкур буйруқни барча таркибий бўлинмалар эътиборига етказсин.

9. Мазкур буйруқ ижросини назорат қилиш ўқув ишлари бўйича проректор – ТДЮУ қошидаги академик лицей директори И.Рустамбеков зиммасига юклансин.

Ректор



Р. Хакимов

Лойиҳа киритилди:

“Электрон университет”
маркази директори

А.Каримов

Келишилди:

Ўқув ишлари бўйича
проректор – ТДЮУ қошидаги
академик лицей директори

И.Рустамбеков

Халқаро ҳамкорлик ва узлуксиз
таълим бўйича проректор

Д.Умаров

Илмий ишлар ва инновациялар
бўйича проректор

Н.Салаев

Ёшлар билан ишлаш
бўйича проректор

А.Хашимхонов

Молия-иқтисод ишлари бўйича
проректор в.б.

А.Иминов

Юридик бюро
катта юрисконсульти

Э.Хосилов